

Ժողովուրդ

59
(2725)

21 ապրիլի ուրբաթ 2023
տպագրության ժԲ տարի

✉ ք. Երևան, Արվյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com


100 դրամ

ԹՈՎՄԱՍՅԱՆԻ ԱԿՑԻԱՆ՝ ԱԺ-ՈՒՄ



Ազգային ժողովի մարդու իրավունքների պաշտպանության եւ հանրային հարցերի մշտական հանձնաժողովի նախագահ Թագուհի Թովմասյանը երեկ քաղաքական ակցիա իրականացրեց խորհրդարանում: Նախ իր ելույթի ընթացքում, որի ժամանակ դահլիճում նստած էր նաեւ վարչապետ Նիկոլ Փաշինյանը, Թագուհի Թովմասյանը ներկայացրեց այս իշխանությունների բացթողումներն ու թերությունները՝ նրանց մեղադրելով դավաճանության մեջ: «Արցախահայերին միայնակ թողնելն ամենամեծ անբարոյականությունն է եւ անխղճությունը, Ձեր հրամանով են գործերը հետ քաշվել: Դուք ծախողել եք ամեն ինչ եւ ամենուր»: Թովմասյանը նաեւ, Նիկոլ Փաշինյանի աջքերի մեջ նայելով, մի քանի օրինակներով հանրայնացրեց, թե ինչպես է ստել Նիկոլ Փաշինյանը վերջին 5 տարիների ընթացքում. «Ձեր ստելու լիմիտը սպառել եք»: Արդեն Թագուհի Թովմասյանի ակցիայի ժամանակ, երբ նա չէր իջնում ամբիոնից, Նիկոլ Փաշինյանին մեծաքանակ թիկնապահների ուղեկցությամբ մեկուսացրին դահլիճից:

Երեկ Ազգային ժողովում թեւեւ անհարկի ակտիվություն էր ցուցաբերում ԱԺ նախագահ Ալեն Սիմոնյանը, սակայն իրականում նրան ղեկավարում էր փոխխոսնակ Ռուբեն Ռուբինյանը: Նա էր հուշում ու հրահանգներ տալիս ԱԺ նախագահ Ալեն Սիմոնյանին: 33 ԱԺ մարդու իրավունքների պաշտպանության եւ հանրային հարցերի մշտական հանձնաժողովի նախագահ Թագուհի Թովմասյանի ելույթի ժամանակ, երբ հայտարարեց, որ ամբիոնից չի իջնելու, Ռուբինյանը, ձեռքով հրելով Ալեն Սիմոնյանին, հրահանգեց անջատել խոսափողը: Սիմոնյանը բարձրաձայն ասաց՝ անջատե՛ք խոսափողը, ապա նույն ձեռքի հրահանգով ընդմիջում հայտարարեց Ալեն Սիմոնյանը: Երբ, ոգետրված ազատագրված ամբիոնի փաստից, նկատողություն ստացած պատգամավորների անուններն էր փորձում հրապարակել, դարձյալ նրան ցուցակ փոխանցեց Ռուբինյանը: Ստացվում է՝ Ալեն Սիմոնյանը Ռուբեն Ռուբինյանի հրահանգներով է շարժվում եւ փաստացի դրածո է խորհրդարանում, իսկ իրական ԱԺ նախագահը Ռուբեն Ռուբինյանն է, որ նստած տեղից երեկ ողջ ընթացքում չբարձրացավ, նաեւ՝ այն ժամանակ, երբ թե՛ իրավիճակում Նիկոլ Փաշինյանին մեկուսացրին:



33 քննչական կոմիտեում Զալալ Զարոյանյանի դեմ հարուցված քրեական գործով 6-ամսյա ժամկետը լրանում է, ուստի նախաքննչական մարմինը քրեական դատավարության օրենսգրքով այլընտրանք չունի եւ մինչեւ մայիսի 20-ը պետք է քրեական գործով նախաքննչական ավարտ հայտարարի եւ գործը դատարան ուղարկի: Նշենք, որ 44-օրյա պատերազմի ընթացքում Արցախի պաշտպանության բանակը ղեկավարած Զալալ Զարոյանյանին երկու դրվագով առաջադրված մեղադրանքներից մեկը Ցորի գործամասի 20 հրետանավորների զոհվելու հանգամանքներին է վերաբերում: 44-օրյա պատերազմի օրերին ծանր վիրավորում ստացած ու այդ պատճառով պաշտոնից ազատված 47-ամյա Զալալ Զարոյանյանին առաջադրված մեղադրանքի մյուս դրվագով էլ նշվում է, թե հենց նրա գործողությունների հետեւանքով են հոկտեմբերի 7-ին՝ հակահարձակման ժամանակ, հայկական ստորաբաժանումները մարդկային մեծաքանակ ուժի ու զինտեխնիկայի կորուստ կրել, պահեստային ստորաբաժանումները դարձել են ոչ մարտունակ, զբաղեցրած կրակային դիրքերն անցել են հակառակորդի հսկողության տակ:



Արցախի պաշտպանության բանակի հրամանատար, գեներալ-լեյտենանտ Միքայել Արզումանյանի գործը Զակակոռուպցիոն դատարան ուղարկելուց հետո իրավապահ մարմինները նրա կնոջը թույլ են տվել տեսակցել ամուսնուն: Մինչ օրս որեւէ հարազատ չէր կարողացել նրան տեսնել: 3իշտեցնենք՝ օրեր առաջ Երեւանի ընդհանուր իրավասության դատարանը բավարարել էր քննչական կոմիտեի ներկայացրած միջնորդությունը եւ 2 ամսով երկարեցրել Արզումանյանի կալանքը: Արցախի ՊԲ նախկին հրամանատար, Արցախի նախագահի խորհրդական Միքայել Արզումանյանին մեղադրանք է ներկայացվել 2020 թվականի արցախյան պատերազմի ընթացքում ռազմավարական կարեւոր նշանակություն ունեցող «Արեգա» բարձունքը եւ հարակից մարտական դիրքերն ազատագրած անձնակազմին «նահանջ» հրաման տալու համար: Արզումանյանը կալանավորվել էր նախորդ տարվա սեպտեմբերի 1-ին եւ մինչ օրս մնում է կալանքի տակ:



ՇՏԱՊՈՒՄ Է


ԱԼԻԵՎԸ ԹՈՂ ՄԵԾ-ՄԵԾ ՉԻՈՍԻ

«Ժողովուրդ» օրաթերթը Արցախի ռազմա-սեղի ունեցող զարգացումների վերաբերյալ գրուցել է «Արաբ» ջոկատի հրամանատար Մանվել Եղիազարյանի հետ:

-Պարոն Եղիազարյան, Ադրբեջանի նախագահը հերթական անգամ սպառնալիքներ ու վիրավորանքներ է հնչեցրել հայ ժողովրդի հասցեին: Մեկ ասում է՝ «Ղարաբաղում ապրող հայերը կամ պետք է ընդունեն Ադրբեջանի քաղաքացիություն, կամ էլ պետք է իրենց համար այլ բնակության վայր գտնեն», մեկ էլ սպառնում է, թե «Հայաստանի ժողովուրդը թող լավ մտածի, մի օր կարող է աչքերը բացեն, Ադրբեջանի դրոշմ իրենց գլխավերելու տեսնեն»: Ո՞րն է Ալիևի նման լլտի վարքագծի պատճառը:

-Դա նշանակում է, որ Ալիևը շտապում է, որովհետև ինքը տեսնում է, որ այսօրվա իշխանությունները թուլանում են, իսկ ժողովուրդն ակտիվանում է, կարող է հանկարծ ուրիշ մեկը իշխանության գահ գործող իշխանությունների փոխարեն ու ահուսարսափի մեջ պահի Ադրբեջանին: Ադրբեջանը այդ պոտենցիալը չունի, որ մեզ սպառնա: Միջազգային հանրությունը պարտադրում էր, որ 5 շրջանները տալիս Ադրբեջանին. դա համաշխարհային քաղաքականությունն էր պահանջում, դրա համար էլ պատերազմից հետո լռեցին, քանի որ հեռահար նպատակներ ունեին այդ 5 շրջանների հետ, բայց մասցած մասով աշխարհը Ալիևին չի օգնելու, Ալիևն էլ է դա հասկանում, դրա համար էլ շտապում է: Հայաստանում, ինչպես ասում են, տվողներն են եկել իշխանության, Ալիևն էլ փորձում է անընդհատ մի բան պոկել, քանի որ տեսնում է՝ ներկայիս իշխանությունները թուլանում են, կարող է Փաշինյանին ուժեղ մարդով փոխարինեն, ու այդ ժամանակ ոչ մի շան չի ունենալու Արցախի մասին խոսելու:

-Պարոն Եղիազարյան, բայց Ալիևն արդեն բացեիքս խոսում է նաև Երեանի մասին, չի թաքցնում իր նկրտումները Երեանի մասով:



-Ճիշտ է անում. եթե դուք ձեր տունը չեք ուզում պաշտպանել, ուզում եք հանձնել, նա էլ ուզում է վերցնել, դրա համար էլ նման հայտարարություններ է անում: Փաշինյանն անընդհատ գորգոռում է, ուզում է համոզել ժողովրդին՝ եկեք Արցախը տանք, որ պրծնենք, թե չէ Երեանն էլ են գրավելու: Ալիևին ձեռք չի տալիս, որ Նիկոլը գնա, ու նորմալ իշխանություն գահ Հայաստանում. որ նորմալ իշխանություն եղավ, Ալիևը ոչ միայն շան չի ունենա Երեանի կամ Արցախի մասին խոսելու: Ես խորհուրդ կտամ Ալիևին՝ թող մեծ-մեծ չխոսի ինքը, քանի իր դիմաց նապաստակներ են կանգնած, իրեն առյուծ է զգում, բայց օրը կգա, ու իսկական հայերով կհամարվենք կողք կողքի, տեսնում ենք էլ իր խորտում:

-Նիկոլ Փաշինյանն անընդհատ շեշտում է, որ Հայաստանը ճանաչվում է իր

29.800 քվա տարածքով: Ի՞նչպես կմեկնաբանեք սա, այսինքն՝ հեշտությամբ հրաժարվում են Արցախից:

-Այդ մարդը բազմիցս նշել է, որ ճանաչում է Ադրբեջանի տարածքային ամբողջականությունը: Թվաբանությունն հո գիտենք. երբ ասում է 29.800 ք/կմ, Արցախը չի մտնում դրա մեջ, նշանակում է, Արցախն էլ է Ադրբեջանի մաս ճանաչում: Մենք Նոյեմբերի 9-ին պատերազմը դադարեցրել ենք միայն նրա համար, որ Պուտինն ասել է՝ ով որտեղ կանգնած է, դա էլ իր սահմանն է, այդ ժամանակ են Քարվաճառն էր մերը, են Լաչինը: Երբ իշխանությունը փոխենք, կպահանջեք հետ այդ ամենը. մենք իրավունք ունենք պահանջելու, որ Նոյեմբերի 9-ի դրությամբ եղած տարածքները մեզ վերադարձվեն: Երբ սա գնա, մենք այդ հարցը կբարձրացնենք: **Ջրուցեց ՔՐԻՍՏԻՆԵ ՄՈՒՇԵՐՅԱՆԸ**



ՄԿՍԵԼ Է ՄՏՈՐԱԳՐԱՇԱՎԱՔ

«Ժողովուրդ» օրաթերթը տեղեկացավ, որ ՀՀ Ազգային ժողովի «Քաղաքացիական պայմանագիր» խմբակցության պատգամավոր Հովիվ Աղազարյանը երեկվանից, թուրք վերցրած, պտտվում է խմբակցությունում եւ ստորագրություններ է հավաքում, որպեսզի Թագուհի Թովմասյանին պաշտոնանկ անեն ՀՀ մարդու իրավունքների պաշտպանության եւ հանրային հարցերի մշտական հանձնաժողովի նախագահի պաշտոնից:

«Ամենայն հավանականությամբ, առաջիկայում այդ հարցը խմբակցությունում կդառնա քննարկման առարկա», - Ազգային ժողովում երեկ այս մասին հայտարարեց Աղազարյանը:

«Ժողովուրդ» օրաթերթը տեղեկացավ, որ նրա ստորագրահավաքին խմբակցությունից մի քանիսն արդեն միացել են, սակայն մեծ թվով պատգամավորներ դեռ մտավախություն ունեն, որ իրավական հիմքեր չկան պաշտոնանկության գործընթաց սկսելու համար: Բացատրությունները ցանկությունների եւ զգացմունքների դաշտից են, բայց քաղաքական որոշումը դեռ չկա, ուստի ՔՊ խմբակցությունը դեռ հավաքական «կարծիք» գործադիրից չի ստացել, որ հայտնի: Սպասում են:

ԽԱՄՏՎԵԼ ԵՆ ԱՆՎՏԱՆԳՈՒԹՅԱՆ ԿԱՆՈՆՆԵՐԸ

Երեկ խորհրդարանում ԱԺ նախագահ Ալեն Սիմոնյանի հրամանի հետեւանքով խախտվել են ԱԺ նստավայրի տարածքում եւ շենքում գործող անվտանգության կանոնները:

Ինչպես հայտնի է, երեկ ԱԺ նախագահ Ալեն Սիմոնյանը ՀՀ ԱԺ մարդու իրավունքների պաշտպանության եւ հանրային հարցերի մշտական հանձնաժողովի նախագահ Թագուհի Թովմասյանի քաղաքական ակցիան տապալելու համար նիստերի դահլիճ հրավիրեց անվտանգության աշխատակիցներին, եւ նրանք հրելով ու բռնությամբ դուրս հանեցին դահլիճից ընդդիմադիր պատգամավորներից մի քանիսին:

Այդ հրամանն անկախ ապօրինի էր, քանի որ ԱԺ շենքում անվտանգության կանոնների 7,8 կետում հստակ նշված է.

«Պահպանության ծառայությունն իր նախաձեռնությամբ կամ Ազգային ժողովի աշխատակազմի իրավասու պաշտոնատար անձի միջնորդությամբ համաչափ միջոցներ է ձեռնարկում կարգազանց անձին (բացառությամբ պատգամավորի) կարգի հրավիրելու համար՝ ընդհուպ պահպանվող տարածքից հեռացնում, որի մասին անմիջապես զեկուցում է՝ ըստ վերադասության»:

Նկատեցի՞ք՝ անվտանգության կանոններում հստակ նշված է, որ պատգամավորի նկատմամբ անվտանգության աշխատակիցներն իրավունք չունեն որեւէ քայլ անել:

Երեկ, սակայն, նրանք կարգազանցությամբ են զբաղվել, օրենքով արգելված գործողություններ են կատարել:

Տեղի էր ունենում քաղաքական ակցիա, որին իրավունք չունեին միջամտելու:

ՊԱՅՆՆԵՐ

ԲԱՔՐՈՒՆ ՊԱՏԱՄԻՆԱՆԵԼ Է

Պատճառնական Բաբուն կրկին մեղադրանքներ է հնչեցրել. այս անգամ նա դաժանացում է Երեանից միանգամակ ընդունել Ղարաբաղը որդես Ադրբեջանի սարածք: Այս մասին ասվում է Ադրբեջանի արտգործնախարարության հայտարարությունում:

Սա եղավ այն բանից հետո, երբ երեկ ՀՀ ԱԳՆ-ն արձագանքել էր Ադրբեջանի նախագահ Իլհամ Ալիևին, երբ նա պնդել էր, թե այժմ ժամանակն է, որ Հայաստանի ղեկավարն ինքն իր հայտարարությունը խմբագրի եւ հայտարարի «Ղարաբաղն Ադրբեջան է»:

Հայաստանի արտգործնախարարությունը, արձագանքելով Իլհամ Ալիևի այս պահանջին եւ նույն հարցադրույցում հնչեցրած սպառնալիքներին, պնդել է, որ Ադրբեջանի նախագահն իր հայտարարությամբ ընդունում է Հայաստանի ինքնիշխան տարածքի նկատմամբ ծրագրավորված ագրեսիա իրականացնելու փաստը, իսկ Բաբուն երեկ ուշ երեկոյան է անդրադարձել հայկական կողմին, մեղադրանքներ է հնչեցրել Հայաստանի իշխանությունների հասցեին:

Ադրբեջանի արտգործնախարարությունը նաև նշում է, որ արդեն 43 օր է՝



սպասում է իր առաջարկների վերաբերյալ հայկական կողմի մեկնաբանություններին:

Ադրբեջանը միաժամանակ հավաստիացնում է, թե, ի տարբերություն իր հարեանի, պատրաստ է խաղաղություն կնքել,

բայց մինչ այդ պահանջում է, որ հայկական կողմը հրաժարվի Ադրբեջանի նկատմամբ տարածքային հավակնություններից եւ նաև ճանաչի, որ Ղարաբաղը հանդիսանում է Ադրբեջանի տարածք:

ՆԱԻՐԱ ՀՈՎԻՏՆՆԻՍՅԱՆ

ԻՐԱՎԻՃԱԿ

ՉԷՐ ԻՋՆՈՒՄ

ԹԱԳՈՒՂԻ ԹՈՎՄԱՍՅԱՆԻ ԱԿՑԻԱՆ՝ ԱԺՈՒՄ

ԳՐՔԵՐԻ ՕՏԱՐՈՒՄ

Հայաստանի Հանրապետության Էկոնոմիկայի նախարարությունն առաջարկում է հայերեն տպագրված գրքերի բոլոր տեսակների օտարումն ազատել ԱԱՀ-ից: Հիմնավորման մեջ նշվում է, թե այդ հանգամանքը կբերի գրքի գնի նվազեցմանը եւ հրատարակվող գրքերի քանակի ավելացմանը:

Բանն այն է, որ ներկայումս, ՀՀ կառավարության որոշմամբ, սահմանված են ԱԱՀ-ից ազատման արտոնությունների շրջանակները, որոնք վերաբերում են դպրոցական գրքերի եւ նոտայի տետրերի, նկարչական ալբոմների, մանկական եւ դպրոցական գրականության, դպրոցական ուսումնական հրատարակությունների, բուհերի, մասնագիտացված գիտական կազմակերպությունների, ՀՀ գիտությունների ազգային ակադեմիայի հրատարակած գիտական եւ ուսումնական հրատարակությունների օտարմանը:

Նաեւ նշվում է, որ վերջին տարիներին աշխարհի բազմաթիվ երկրներ նվազեցրել են տնտեսվարողների՝ գրքերի հրատարակչության եւ իրացման հետ կապված հարկային բեռը՝ ընդհուպ մինչեւ առանձին հարկատեսակների վերացում: Համապատասխան նախագիծն այժմ դրված է հանրային քննարկման:

ՀԱՆԵԼ ԵՆ ԱՃՈՒՐԳԻ

Հայաստանի Հանրապետության Տավուշի մարզ Դիլիջան քաղաքում գտնվող 2977,8 քառ. մետր մակերեսով շենք-շինությունները, ինչպես նաեւ դրանց զբաղեցրած, օգտագործման եւ սպասարկման համար հատկացված 0.94 հեկտար մակերեսով հողամասը կօտարվեն:

Այն այժմ անհատույց օգտագործման իրավունքով տրամադրված է «Հիվանդությունների վերահսկման եւ կանխարգելման ազգային կենտրոն» պետական ոչ առետրային կազմակերպությանը: Կառավարության որոշման նախագծում նշվում է, որ գույքն իրենից ներկայացնում է վարչական շենք, որը ներկայումս չի շահագործվում եւ ունի հիմնանորոգման կարիք:

Դա է պատճառը, որ առաջարկվում է այդ շենքը մրցույթով օտարել:

Մրցույթով օտարման ենթակա գույքի վաճառքի նվազագույն գին է սահմանվել գնահատված արժեքի 100 տոկոսի չափը՝ 343 մլն 800 հազար դրամը՝ ներառյալ հատկացված հողամասի տվյալ պահին գործող շուկայական արժեքին մոտարկված կադաստրային արժեքը՝ 64 մլն 242 հազար դրամը:

Գնորդը պարտավոր է վճարել նաեւ գույքի արժեքի որոշման դիմաց գանձվող գումարը՝ 1 մլն 792 դրամը:

ԿԱԼԱՆԱՎՈՐՎԵՑ

ArmLur.am-ին հայտնի դարձավ, որ, ՀՀ վերաքննիչ քրեական դատարանի դատավոր Կարեն Ամիրյանի որոշմամբ, բավարարվել է դատախազի ներկայացրած վերաքննիչ բողոքը, եւ Երեւանի քաղաքապետարանի աշխատակազմի նախկին ղեկավար Սեյրան Մեջլումյանի նկատմամբ որպես խափանման միջոց է ընտրվել կալանավորումը:

Ազգային ժողովում երեկ մթնոլորտը կրկին լարվել էր: «Պատիվ ունեմ» խմբակցության ղազաճամալոր Թագուհի Թովմասյանը կառավարության ծրագրի կասարողականի մասին ելույթի վերջում հայտարարեց, որ ֆաղափական ակցիա է իրականացնում եւ, ի նշան բողոքի, չի հեռանալու ԱԺ ամբիոնից:

«Եվ թույլ չեմ տալու երկրի թիվ մեկ ամբիոնից կրկին ստեր հնչեցնեք, կասկածի տակ դնեք Արցախի հայկական լինելը կամ հայ ժողովրդի պատմությունն ընդհանրապես», - ասաց նա՝ հրավիրելով իր հետ համակարծիք գործընկերներին միանալ:

«Բավական է, սթափվեք ու հասկացեք ձեր պատասխանատվության չափաբաժինը», - շեշտեց նա:

ԱԺ նախագահ Ալեն Սիմոնյանը շտապեց հրահանգել անջատել հեռարձակումն ու դահլիճ հրավիրեց անվտանգության աշխատակիցներին, որոնք հեռացրին ընդդիմադիրներին:

«Հիմա տեղի է ունենում կոնկրետ ապօրինություն, որովհետեւ Ազգային ժողովի նախագահը բիրտ ուժի կիրառման հրահանգով մեզ դուրս է հանել Ազգային ժողովի դահլիճից, եւ մեզ հիմա արգելում են մտնել մեր աշխատավայր: Սա բացահայտ ապօրինություն է, մարդու իրավունքների, պատգամավորի գործունեության իրավունքի ուղիղ ոտնահարում: Սա նշանակում է՝ ուղղակի մենք գործ ունենք տարրական անպատժելիության հետ», - արդեն դահլիճից դուրս հայտարարեց պատգամավոր Թովմասյանը լրագրողների հետ զրույցում:

«Սոթքում կրակում են, դուք այստեղ խոսում եք ձեռքբերումներից: Եկել, ինչ բյուջեի կատարողական եք քննարկում: Դուք բարոյականությունից եք խոսում, բայց ինչ բարոյականության դասեր եք տալիս», - հայտարարեց Թովմասյանը:

Ամբիոնի մոտ Թովմասյանի ակցիային միացան «Պատիվ ունեմ» խմբակցության ղեկավար Հայկ Մամիջանյանը եւ Նույն խմբակցության պատգամավոր Աննա Սկրտչյանը:

Երբ ԱԺ նախագահ Ալեն Սիմոնյանը պահանջեց անջատել բարձրախոսը եւ հրավիրեց ԱԺ նիստերի դահլիճ անվտանգության աշխատակիցներին, քաջքույր սկսվեց պատգամավորների եւ անվտանգության աշխատակիցների միջեւ:



Ընդդիմադիր պատգամավորներից մեկը դահլիճից բղավեց, թե՛ կարող է թեքե, ինչին ի պատասխան՝ Ալեն Սիմոնյանն արձագանքեց. «Որ պետք լինի, կթքեմ»: Ընդդիմադիր պատգամավորներն ամբիոնում մոտեցել էին Թագուհի Թովմասյանին, որպեսզի թույլ չտան անվտանգության աշխատակիցներին դուրս հանել նրան նիստերի դահլիճից:

«Ով որ մոտենա այստեղ, Արեգնազով, Աննայով հանեք դուրս: Հանկարծ մտքներով չանցնի, որ այստեղ կարող եք ինչ-որ բան թելադրել», - ասաց Սիմոնյանը: ՆԱԽՈՒ ՀՈՎՅԱՆՆԻՍԱՆ

ԼՈՒՐԵՐ

ՅՕՐՅԱ ԳՈՐԾՈՒՂՈՒՄ

«Քաղաքացիական պայմանագիր» խմբակցության պատգամավորներ Հայկ Կոնջորյանը, Արուսյակ Մանավազյանը, Կարեն Համբարձումյանը, Ռուստամ Բաքոյանը, Հայկ Ցիրունյանը եւ «Հայաստան» խմբակցության պատգամավոր Լիլիթ Գալստյանը մայիսի 1-4-ը կգործուղվեն Նիկոսիա (Կիպրոսի Հանրապետություն):

Թե գործուղումն ինչ օրակարգով է, կամ ինչ հանդիպումներ են լինելու, ԱԺ կայքում հրապարակված համապատասխան որոշման մեջ որեւէ տեղեկություն չկա:

Պատգամավորների գործուղման հետ կապված օրապահիկի եւ ճանապարհաձխի վճարումը կկատարվի ՀՀ պետական բյուջեով Ազգային ժողովին այդ նպատակի համար հատկացված միջոցների հաշվին, իսկ գիշերավարձի վճարումը կատարում է հրավիրող կողմը:

ՔՆՆԱՐԿՈՒՄ ՊԱՇՏՊԱՆՈՒԹՅԱՆ ԲՆԱԳԱՎԱՌՈՒՄ

Ապրիլի 20-ին պաշտպանության նախարար Սուրեն Պապիկյանն ընդունել է Բրազիլիայի Դաշնային Հանրապետության արտակարգ եւ լիազոր դեսպան Ֆաբիո Վազ Պիտալուգային: Այս մասին հաղորդում են Պաշտպանության նախարարությունից:

Հանդիպման ընթացքում քննարկվել են պաշտպանության բնագավառում երկրորդ համագործակցության հնարավորություններին առնչվող հարցեր:

Դեսպանի խնդրանքով պաշտպանության նախարարը ներկայացրել է Հայաստանի Հանրապետության բարեփոխումների ընթացքը:

Զրուցակիցները քննարկել են նաեւ տարածաշրջանային անվտանգության առնչվող հարցեր:

ԻՆՉՈՒՐ ԸՆՏԱՁԳՎԵՑ

ԱԺ մարդու իրավունքների պաշտպանության եւ հանրային հարցերի մշտական հանձնաժողովի նախագահ Թագուհի Թովմասյանի նախաձեռնած երեկվա՝ ապրիլի 20-ի քննարկումը 44-օրյա պատերազմում զոհված կամ անհետ կորած զինվորների ծնողների հետ կրկին հետաձգվում է:

Ինչպես հայտնի է, ապրիլի 18-ին հրավիրված ԱԺ արտահերթ նիստին մասնակցում էր Հայաստանի Հանրապետության վարչապետ Նիկոլ Փաշինյանը, եւ անվտանգության աշխատակիցները արգելում են որեւէ քաղաքացու մուտքն Ազգային ժողովի շենք, ուստի ծնողների մուտքն ԱԺ անհնար է դարձել:

Քննարկման անցկացման օրվա եւ ժամի մասին լրացուցիչ տեղեկություն կտրվի, երբ ԱԺ արտահերթ նիստերն ավարտվեն:

ՀԱՍԱՐԱԿՈՒԹՅՈՒՆ

ՍԱՐՁ

ԱՌՈՂՋԱԿԱՆ ԽՆԴԻՐՆԵՐ ՈՒՆԵՆ

Ոստիկանության Տավուշի բաժնում տեղեկություններ են ստացվել, որ Բերդ համայնքի սահմաններում Չինարի գյուղի 19-ամյա բնակիչ տղամարդը 2023 թվականի մարտի սկզբին անառակաբար գործողություններ է կատարել իր անչափահաս՝ 13 տարեկան քրոջ նկատմամբ: Պարզվել է նաև, որ 19-ամյա երիտասարդը իր 20-ամյա քրոջ կամքին հակառակ սեքսուալ բնույթի գործողություններ է կատարել նրա հանդեպ: Ոստիկանները կասկածյալ երիտասարդին տեղափոխել են ոստիկանության Տավուշի բաժին, որտեղից ներկայացվել է Հայաստանի քննչական կոմիտեի Տավուշի մարզային քննչական վարչության Բերդի քննչական բաժին: Բերդի քննչական բաժնում ՀՀ քրեական օրենսգրքի 198 հոդվածի 2-րդ մասի 3-րդ կետի եւ 198 հոդվածի 3-րդ մասի 2-րդ կետի հատկանիշներով նախաձեռնվել է քրեական վարույթ, որի շրջանակներում 19-ամյա երիտասարդը ձերբակալվել է: Տեղեկացա, որ Չինարի գյուղում բնակվող այդ ընտանիքը ունեցել է 6 երեխա, որից մեկը մահացել է: Համագյուղացիներն ասացին, որ ընտանիքի 5 երեխաներն էլ մտավոր հետամնաց են, կարդալ-գրել չեն կարողանում, ոչ սահուն են խոսում, որ նրանց ասածները դժվարությամբ են ընկալվում: Նրանցով զբաղվել են Բերդ համայնքի սոցիալական աշխատողները, սակայն դրական արդյունքներ չեն եղել: Այդ ընտանիքի հայրը 52 տարեկան առաջին խմբի հաշվառված ազատամարտիկ է, որը 1990-ական թվականների մարտական գործողությունների ժամանակ ծանր վիրավորվել է, նրա մարմնի մի մասը պլաստամասից է: Տղամարդը տարիներ առաջ Կոտայքի մարզից կին է բերել Չինարի: Համագյուղացիներն այդ ընտանիքում խելքը գլխին են համարում միայն ընտանիքի հորը: Չինարից ստացված տեղեկություններով՝ 19-ամյա տղայի կողմից իր քույրերի նկատմամբ անառակաբար, սեքսուալ գործողություններ կատարելու վերաբերյալ ոստիկանություն է դիմել երեխաների մայրը:


ՍԱՀՄԱՆԻ ԵԶՐԻՆ

Անցյալ տարի հանդիսավորությամբ նշվեց Խորանաշատ վանական համալիրի 800-ամյակը: Բերդ համայնքի Չինարի բնակավայրի վարչական ղեկավար Սամվել Սաղոյանը հայտնեց, որ Խորանաշատը գտնվում է հայադրեջանական փաստացի սահմանից ընդամենը 150 մետր հեռավորությամբ, Խորանաշատ այցելելը վտանգավոր է, գինվորականները շրջանցիկ ճանապարհով են ուղեկցում վանք այցելողներին: Ս. Սաղոյանը հայտնեց, որ Խորանաշատի վիճակը վատթար է, այն վերանորոգման խիստ կարիք ունի: Բնակավայրի վարչական ղեկավարի խոսքերով՝ 1946 թվականին չինարեցիները սեփական ուժերով մասնակի վերանորոգում են կատարել Խորանաշատում, սակայն այժմ նորոգման խիստ կարիք կա: **ՈՍԿԱՆ ՄԱՐԳԱՅԱՆ Տավուշ**

ԱՆՅԻՄՆ ԽՈՍՏՈՒՄՆԵՐ

ՖԻՆԱՆՍԱԿԱՆ ԲՈՒՐԳԻ ԶՈՂԵՐ

ՀՀ բնչական կոմիտեում բնվող թվով 6 ֆրեական վարույթի նյութերի ուսումնասիրությամբ վեր են հանվել լայն սարածում գտած՝ ֆինանսական բուրգի սխեմայով Հայաստանում կասարվող հանցագործությունների ընդհանուր մեխանիզմները:



Դրանց էությունն այն է, որ ֆինանսական բուրգերի համակարգողները, գերշահույթ ստանալու նպատակով, ֆինանսական կազմակերպությունում ներդրումներ կատարելու պատրվակով քաղաքացիներին դրոյում են գույքային (ֆինանսական) միջոցներ ներգրավել՝ նյութական օգուտը պայմանավորելով բացառապես նրանց կողմից նոր ներդրողների ներգրավման դեպքում ստացված ֆինանսական միջոցներով: Մինչդեռ քաղաքացիներից ստացած ֆինանսական միջոցներն իրական ձեռնարկատիրական գործունեության մեջ չեն օգտագործվում:

Ման կազմակերպությունները իրենց իրական հանցածին բնույթը քողարկելու եւ հնարավոր քրեական պատասխանատվությունից խուսափելու նպատակով գույքային միջոցների ներգրավմանը, ներդրմանը հաղորդում են որոշակի ապրանքային տեսք: Սակայն անձինք հնարավորություն չեն ստանում այդ ապրանքի նկատմամբ իրական վերահսկողություն ունենալ:

Մասնավորապես, Միացյալ Թագավորությունում Vodanet British LTD անվանումով հաշվառված՝ ՀՀ-ում VODA անվանումով հայտնի ֆինանսական բուրգի համակարգողները Իրանի Իսլամական Հանրապետությունում եւ Հայաստանի Հանրապետությունում տեսական ժամանակ քրեաիրավական պատասխանատվությունից եւ որոշ ներդրողների նկատմամբ ստանձնած պարտավորություններից խուսափելու նպատակով վերակազմակերպվել եւ Կանադայում հաշվառել են Onyxum LLC կազմակերպությունը: Վերջինս Հայաստանում հայտնի է համանուն անվանումով: Այս կազմակերպությունը, իբր, իրականացնում է հանգստյան փաթեթների միջնորդավորված վաճառք այն պայմաններում, երբ նշված կազմակերպության գրեթե յուրաքանչյուր ներդրող ինքը եւ համարվում է հանգստյան փաթեթի գնորդ, շահառու՝ առանց այդ ծառայության նկատմամբ լիարժեք սեփականության իրավունքի իրացման հնարավորության: Նմանատիպ սխեմայով գործող ֆինանսական բուրգի օրինակ է նաեւ ԱՄՆ-ում հաշվառված եւ Հայաստանում գործունեություն ծավալած indruises LLC անվանումով կազմակերպությունը: Վերջինս ներդրողներին խոստանում է որոշակի ներդրումների դիմաց շու-

կայականից մատչելի քրոփզային ճանապարհորդություն եւ հանգիստ, միաժամանակ կազմակերպությունից խոշոր շահույթ ստանալու հնարավորությունը կապում է ֆինանսական միջոցներ ներգրած անձանց կողմից նոր ներդրողներ ներգրավելու հետ: Ֆինանսական բուրգերի դասական սխեմաներով են աշխատում նաեւ ՀՀ-ում հիմնադրված «Կան Քարտ» ՍՊԸ-ն եւ ՌԴ-ում հիմնադրված Ռո 100 Դեմ կազմակերպությունները:

«Կան Քարտ» ՍՊԸ համակարգողները onecard բջջային հավելվածի գործածմամբ ստեղծել են ոչ իրավաչափ ձեռով գործող ֆինանսական համակարգ: Դրանում ներգրավել են մի քանի տասնյակ հազար անձի, որոնց, որոշակի միջոցների ներդրման դիմաց, խոստացել են ներդրված եւ հավելվածում արտացոլված դրական մնացորդին համարժեք օրական մեկ տոկոսի չափով՝ որեւէ ֆինանսական կապիտալով չհիմնավորված շահույթ:

Ռո 100 Դեմ կազմակերպությունը գործել է համացանցային տիրույթում համանուն կայքով, որում ներդրում կատարելու համար յուրաքանչյուր անձից գանձվել է նվազագույնը 12,5 դոլար: Դրանից 2,5 դոլարը նախատեսված է եղել գրանցման, իսկ 10 ԱՄՆ դոլարը համարվել է «բիզնեսի համար կատարվող ներդրում»: Այնուհետեւ ներդրողի դիմաց խնդիր է դրվել գտնել եւ նմանատիպ պայմաններով համակարգում գրանցել եւս երկու անձի, որոնցից յուրաքանչյուրի ներդրումներից անձը ստացել է 5% եկամուտ, իսկ այդ անձանց կողմից եւս երկու ներդրողի ներգրավելու պայմաններում առաջին անձը ստացել է նրանցից յուրաքանչյուրի ներդրած գումարի 95%-ը, որոնք միասին կազմել են 38 ԱՄՆ դոլար: Երկրորդ փուլում, երբ հրավիրվածների ընդհանուր թիվը հասել է 7-ի, շրջան փակվել է: Արդյունքում անձը ստացել է 39 դոլար, որը սակայն, չի կարող ամբողջությամբ կանխիկացնել, քանի որ 10 ԱՄՆ դոլարը նախատեսվել է նոր շրջան սկսելու համար: Եղել են նաեւ ավելի թանկարժեք

փաթեթներ, որոնցից ամենամեծ ներդրումն արժեցել է 2560 ԱՄՆ դոլար:

Մեկ այլ վարույթով 2019թ. մի խումբ անձինք Հայաստանում փաստացի հիմնադրել են Ourteamclub (Աուրթեմքլաբ) ՍՊԸ-ն, որը ներկայացել է որպես հայկական ստարտափ ընկերություն: Այդ անձինք առանձնապես խոշոր չափերով գումար վաստակելու նպատակով իրենց իսկ կողմից կազմակերպված դասընթացների ընթացքում համոզելու, վստահություն ձեռք բերելու եւ այլ մեթոդներով շահագրգռել են նոր ներգրավող անձանց ձեռք բերել կազմակերպության կողմից նախատեսված 125 ԱՄՆ դոլարից մինչեւ 101.250 ԱՄՆ դոլար ֆիքսված արժեքներ ունեցող հնարածին նախագծերը՝ խոստանալով 22-29 ամիսների ընթացքում տրամադրել ներդրված գումարի կրկնապատիկի չափով եկամուտ՝ նրանցից յուրաքանչյուրի շահույթը պայմանավորելով բացառապես նոր ներդրողների ներգրավումից ստացված գումարներով: Ուղ որում հավելյալ գումարներ աշխատելու համար ֆինանսական բուրգի համակարգողները կիրառել են բինարային բոնուս կոչվող ծրագիրը, որի պարագայում յուրաքանչյուր ներգրավված անձի կողմից իր հերթին երկու անձ ներգրավելու դեպքում, վերջիններիս կողմից գնված նախագծի արժեքներից կախված՝ հնարավորություն է ընձեռնվել ստանալ 2-9 տոկոսի չափով գումար: Իսկ նոր ներդրողների կողմից եւս երկուական անձանց ներգրավելու դեպքում խոստացել են վճարել լրացուցիչ բոնուսներ: Նշված հանցավոր սխեմայում իրական ֆինանսական կազմակերպության տպավորություն ձեւավորելու եւ հնարավոր ներդրողի մոտ վճռակալություն առաջացնելու նպատակով շրջանառել են իրական հարաբերություններում տնտեսական արժեք չունեցող՝ իրենց կողմից ստեղծված եւ կրիպտոարժույթի որակներով ներկայացված թվային արժույթ: Այդպես թվային արժույթի դյուրին եղանակով մեծ գումարներ վաստակելու խոստումներ՝ կազմակերպության շարքերում նրանք ներգրավել են բազմաթիվ անձանց, իրականացրել գույքի ներգրավմանն ուղղված գործունեություն, որի հետեւանքով ֆինանսական բուրգում ներգրավվել է առանձնապես խոշոր չափերի՝ 250 մլն ՀՀ դրամ գումար: Վերը նշված ֆինանսական սխեմաներով հանցավոր կազմակերպությունների կողմից ներգրավվել են նախնական տվյալներով մի քանի տասնյակ միլիոն ԱՄՆ դոլարին համարժեք գույքային միջոցներ: Այդ հիմքով մեղադրանքներ են առաջադրվել ընդհանուր առմամբ 43 անձանց, այդ թվում ԻԻՀ, Կանադայի, Հայաստանի Հանրապետության քաղաքացիների:

ԼՈՒՐԵՐ

ԳՆՄԱՆ ԸՆԹԱՑԱԿԱՐԳ

Արարատի, Արմավիրի, Վայոց ձորի եւ Սյունիքի մարզերում ՀՀ ՆԳՆ ոստիկանության պարեկային ծառայության նոր ձեւավորվող ստորաբաժանումների համար սեղան տեսակի տրանսպորտային միջոցներ ձեռք բերելու նպատակով 2023 թ. ապրիլի 18-ին հայտարարվել է գնման ընթացակարգ՝ էլեկտրոնային աճուրդի միջոցով, որի հայտերի ընդունման վերջնաժամկետը 2023 թ. մայիսի 4-ն է, իսկ հակադարձ աճուրդը տեղի կունենա 2023 թ. մայիսի 5-ին: Տրանսպորտային միջոցների տեխնիկական բնութագիրը նախապես ուղարկվել

է ՀՀ շահագրգիռ գերատեսչություններին, եւ ստացված առաջարկությունների արդյունքում տեխնիկական բնութագրում նշված հիմնական չափորոշիչները, նախորդի համեմատ, ընդլայնվել են:

ԱՐԳԵԼԵԼ Է ՆԵՐԿՐՈՒՄԸ

Լեհաստանը Եվրամիությանն առաջարկել է արգելել Ուկրաինայից ոչ միայն ցորենի, այլեւ սննդամթերքների ներկրումը՝ ներառյալ մրգերը, ձուն, թռչնամիսը, շաքարը եւ մեղրը: Բոյոսելում ռադիկալային թղթակցի տեղեկացմամբ՝ իրավիճակը բար-

դանում է նրանով, որ հարեան երկրները տարածաշրջանայիններ ունեն՝ ներմուծման համար արգելված մթերքների հետ կապված: Բուլղարիան, օրինակ, կցանկանար ավելացնել այլուրը եւ կարագը, իսկ Հունգարիան՝ թռչնամիսը, մեղրն ու այլուրը: Չորեքշաբթի Լեհական ռադիոն տեղեկացրել էր, որ Եվրահանձնաժողովի նախագահ Ուրսուլա Ֆոն դեր Լայենը արել է ավելի խիստ պահանջարկային (Լեհաստան, Բուլղարիա, Ռումինիա, Սլովակիա, Հունգարիա) ղեկավարներին ուղարկված նամակում պատրաստակամություն է հայտնել ուկրաինական հացահատիկի, եգիպտացորենի, արեւածաղկի եւ սրճիկի ռապսի սահմանափակումներ մտցնել ԵՄ-ի մակարդակով:

● Անցած 1 օրվա ընթացքում Հայաստանի Հանրապետությունում արձանագրվել է 8 ՃՏՊ. 10 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՀԱՅՏԱՐԱՐՈՒԹՅՈՒՆ (2)

ԱՃՈՒՐԴԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ ՄԱՍԻՆ

2023 թ. մայիսի 11-ին՝ ժամը 12:00-ին, պարտապան Լիլիթ Բաղդասարյանի սնանկության գործով կառավարիչ Ա. Էլոյանի կողմից ք. Երեւան, Արշակունյաց պող. 5, 311 սենյակ հասցեում կանցկացվի «Արդշինբանկ» ՓԲԸ-ում գրավադրված եւ սեփականության իրավունքով Լիլիթ Բաղդասարյանին պատկանող գույքի աճուրդը՝ 1 ԼՈՏ 4 ենթալոտով, բաց դասական եղանակով:

Գույքն իրենից ներկայացնում է՝ ԼՈՏ 1, ենթալոտ 1. Ոսկյա խաչ 1 հատ, իրի զանգվածը 2.8 գրամ է, հարզը՝ 580:

Մեկնարկային գինը կազմում է 37,100 ՀՀ դրամ:

ԼՈՏ 1, ենթալոտ 2. Ոսկյա շղթա 4 հատ, իրերի զանգվածը 143.8 գրամ է, հարզը՝ 580:

Մեկնարկային գինը կազմում է 1,905,350 ՀՀ դրամ:

ԼՈՏ 1, ենթալոտ 3. Ոսկյա թեւնոց 1 հատ, իրի զանգվածը 5.0 գրամ է, հարզը՝ 580:

Մեկնարկային գինը կազմում է 66,250 ՀՀ դրամ:

ԼՈՏ 1, ենթալոտ 4. Ոսկյա մատանի 3 հատ, իրի զանգվածը 21.4 գրամ է, հարզը՝ 580:

Մեկնարկային գինը կազմում է 283,550 ՀՀ դրամ:

ԼՈՏ 1 ընդհանուր մեկնարկային գինը կազմում է 2,292,250 ՀՀ դրամ:

Աճուրդին մասնակցելու համար պետք է ներկայացվեն՝

- ֆիզիկական անձի դեպքում՝ անձնագրի պատճենը, իսկ իրավաբանական անձի եւ Ա/Ձ-ի դեպքում՝ պետական գրանցումը հավաստող փաստաթղթերի պատճենը,

- աճուրդի մասնակցության վճարի եւ նախավճարի վճարումը հաստատող փաստաթղթեր:

Մասնակցության վճարը եւ նախավճարը կազմում են տվյալ լոտի մեկնարկային գնի համապատասխանաբար 1% եւ 5%-ը:

Աճուրդի մասնակցության վճարը եւ նախավճարը վճարվում են կանխիկ կամ փոխանցումով Լիլիթ Բաղդասարյանի սնանկության հաշվին՝ «Հայբիզնեսբանկ» ՓԲԸ-ի «Նոր Արեշ» մասնաճյուղ՝ 1150021420610630 հաշվեհամարին, մինչեւ հայտ ներկայացնելու պահը:

Աճուրդին մասնակցել ցանկացողները սույն հայտարարությունից հետո՝ ընդհուպ մինչեւ աճուրդին նախորդող օրվա ժամը 16:00-ն, կարող են հայտ ներկայացնել ՀՀ Սնանկության դատարան /ք. Երեւան, Օտյան 53/2/ :

Աճուրդն անցկացվում է դասական եղանակով, հաղթող է համարվում առավել բարձր գին առաջարկած մասնակիցը:

Ցանկացողները կարող են լոտն ուսումնասիրել, ինչպես նաեւ աճուրդի կանոնակարգին ծանոթանալ՝ դիմելով կառավարիչ Ա. Էլոյանին / 094 411 487 /:

ՀԱՅԱՍՏԱՆԻ ԴԻՎԱՆԱԳԻՏԱԿԱՆ ԴՊՐՈՑ

2023-24 ԹԹ. ԴԱՍԸՆԹԱՑԻ ՄԱՍՆԱԿՑՈՒԹՅԱՆ ՄԻՑՈՒՅԹ

Հայաստանի Հանրապետության արտաքին գործերի նախարարության դիվանագիտական դորոցը (Հայաստանի դիվանագիտական դորոց) հայտարարում է «Միջազգային հարաբերություններ եւ դիվանագիտություն» 2023-24 թթ. դասընթացի մասնակցության մրցույթ:



Ընդունելության մրցույթին կարող են մասնակցել բարձրագույն կրթություն ունեցող, դիմումի հայտը հանձնելու պահին 35 տարին չլրացած ՀՀ քաղաքացիները, որոնք ունեն ՀՀ կառավարության 2014 թ. հոկտեմբերի 23-ի N 1191-Ն որոշմամբ հաստատված՝ «Հայաստանի Հանրապետության բարձրագույն մասնագիտական կրթության մասնագիտությունների եւ որակավորումների ցանկով» սահմանված որակավորում եւ չեն տառապում ՀՀ կառավարության 2019թ. փետրվարի 15-ի N 98-Ն որոշմամբ հաստատված՝ «Հանրային ծառայության պաշտոն զբաղեցնելու դեպքում լիազորությունների իրականացմանը, ինչպես նաեւ ուսումնական հաստատություններում մանկավարժական կամ վարչական գործունեության կատարմանը խոչընդոտող հիվանդությունների ցանկում» նշված որեւէ հիվանդությունով: Դասավանդման լեզուներն են հայերենը եւ անգլերենը: Նշված լեզուների, ինչպես նաեւ դիմորդի ընտրությամբ եւս մեկ օտար լեզվի գերազանց իմացությունը պարտադիր է: Լեզուների իմացությունը ստուգվելու է քննության թե՛ գրավոր, թե՛ բանավոր փուլերում: Իր տիրապետած երկրորդ օտար լեզվի մասին դիմորդը նախօրոք նշում է կատարում ընդունելության մրցույթին մասնակցելու դիմում-հայտում: Դասերը վարում են ՀՀ ԱԳՆ բարձրաստիճանի դիվանագետներ եւ արտերկրի առաջատար բուհերից հրավիրված բարձրակարգ դասախոսներ: Դասընթացը կմեկնարկի 2023 թ. սեպտեմբերին եւ կավարտվի 2024թ. հուլիսին: Ուսումնական ծրագրի:

Պահանջվող փաստաթղթերի ցանկ.

- 1. դիմում (լրացվում է հանձնվում է առցանց, տպագրված եւ ստորագրված տարբերակը դիմորդը հանձնում է անձամբ),
2. ինքնակենսագրություն (լրացվում է առցանց դիմումի մեջ, տպագրված եւ ստորագրված տարբերակը դիմորդը հանձնում է անձամբ),
3. դասընթացներին մասնակցելու նպատակի համաձայն նկարագիր (լրացվում է առցանց դիմումի մեջ, տպագրված եւ ստորագրված տարբերակը դիմորդը հանձնում է անձամբ),

4. երկու լուսանկար (3.5x4.5սմ, անձնագրի ձևաչափին եւ դիմորդի տարիքին համապատասխան՝ ի լրումն դիմումին կցված նույն ձևաչափի էլեկտրոնային լուսանկարի),

5. անձնագրի կամ նույնականացման քարտի պատճենը,

6. բարձրագույն ուսումնական հաստատության դիպլոմի պատճենը,

7. զինվորական գրքույկի կամ կցագրման վկայականի պատճենը (արական սեռի դիմորդների համար),

8. դիմումում ներկայացված տեղեկությունները հաստատող այլ փաստաթղթեր:

Պահանջվող փաստաթղթերի ցանկին կարելի է ծանոթանալ եւ դիմումի ձեռք բերել Դիվանագիտական դպրոցի կայքի «Ընդունելություն» բաժնից :

Դիմում-հայտի պարտադիր դաշտում չնեղառված տեղեկությունների մասին նշումներն արվում են «Այլ տեղեկություններ» բաժնում: Այս տեղեկությունները հաստատող փաստաթղթերը ներկայացվում են միայն Դիվանագիտական դպրոցի պահանջով:

Էլեկտրոնային եղանակով դիմումները գրանցվում են պահանջվող փաստաթղթերը ներկայացրած դիմորդները 2023թ. հունիսի 15-ին կիրավորվել են գրավոր քննության առաջին փուլին, որը կազմված է ՀՀ Սահմանադրության, հայոց պատմության, համաշխարհային պատմության եւ աշխարհագրության մասին, ընդհանուր գարգացվածության եւ տրամաբանության հարցերի վերաբերյալ բազմակի պատասխաններից ընտրությամբ թեստից եւ ներառում է նաեւ մասնագիտական տեքստերի թարգմանություն հայերենից անգլերեն եւ հայերենից դիմորդի նշած երկրորդ օտար լեզու: Գրավոր քննության առաջին փուլը հաջողությամբ անցած դիմորդները կիրավորվեն

գրավոր քննության երկրորդ փուլին (միջազգային հարաբերությունների/արտաքին քաղաքականության վերաբերյալ թեմայով շարադրություն): Երկրորդ փուլը հաջողությամբ անցած դիմորդները կիրավորվեն հարցազրույցի: Լավագույն դիմորդները հնարավորություն կստանան մասնակցելու դասընթացին:

Դիմորդներից ակնկալվում է աշխարհում ընթացող միջազգային հարաբերությունների ոլորտին վերաբերող հիմնական իրադարձությունների մասին տեղեկացվածություն: Ուսումնական ծրագիրը կազմված է տեսական եւ գործնական առարկաներից: Դասավանդվող առարկաներից ունկնդիրները կհանձնեն ընթացիկ քննություններ, որոնց արդյունքները, հաճախումների, այցերի մասնակցության եւ պրակտիկայի գնահատականների հետ, հանրագումարային գնահատականի մաս կկազմեն: Դասընթացը հաջողությամբ ավարտած ունկնդիրները կստանան ավարտական վկայական: Լավագույն շրջանավարտները, ՀՀ օրենքների պահանջներին համապատասխան, կարող են աշխատանքի ընդունվել ՀՀ ԱԳ նախարարությունում:

Դասընթացն անցկացվելու է Դիվանագիտական դպրոցում (Վազգեն Սարգսյան 3, Կառավարության 2-րդ շենք): Դասերն անցկացվելու են ամեն աշխատանքային օր՝ օրվա երկրորդ կեսին:

Ընդունելության մրցույթին մասնակցելու համար անհրաժեշտ է ս.թ. ապրիլի 17-ից մինչեւ հունիսի 7-ը ներառյալ

- 1) լրացնել էլեկտրոնային դիմում-հայտը,
2) ապրիլի 17-ից մինչեւ հունիսի 9-ը ներառյալ անձամբ հանձնել փաստաթղթերը ՀՀ դիվանագիտական դպրոցում՝ Վազգեն Սարգսյան 3, Կառավարության 2-րդ շենք, Երեւան 0010 հասցեով, ամեն աշխատանքային օր՝ Ժ. 10.30-17.30:

ՀԱՅՏԱՐԱՐՈՒԹՅՈՒՆ (1)

ԿՐԿՆԱՃՈՒՐԴԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ ՄԱՍԻՆ

2023թ. մայիսի 19-ին՝ ժամը 12:30-ին, Գառնիկ Կիրակոսյանի սնանկության գործով կառավարիչ Ա. Էլոյանի կողմից ք. Երեւան, Մրազկունյաց 5, սենյակ 311 հասցեում կանցկացվի «Ամերիաբանկ» ՓԲԸ-ում գրավադրված եւ սեփականության իրավունքով Գառնիկ Կիրակոսյանին պատկանող գույքի աճուրդը՝ 1 ԼՈՏ-ով: Գույքն իրենից ներկայացնում է՝

ԼՈՏ-1. ՀՀ ք. Երեւան, Մալաթիա-Սեբաստիա համայնք, Շերամի փողոց, 23 շենք, 3 բնակարան հասցեի անշարժ գույքը. 77.3 քմ մակերեսով անշարժ գույքի՝ սեփականության իրավունքի գրանցման թիվ 17102019-01-0101 վկայական:

Մեկնարկային գինը սահմանվում է 25,560,000 ՀՀ դրամ:

Աճուրդին մասնակցելու համար պետք է ներկայացվեն՝

- աճուրդի ներկայացված լոտի մեկնարկային գնի 1%-ի չափով (բայց ոչ ավել 200,000 ՀՀ դրամից) մասնակցության վճարի վճարումը հավաստող փաստաթղթի պատճենը,

- աճուրդի ներկայացված լոտի մեկնարկային գնի 5%-ի չափով նախավճարի վճարումը հավաստող փաստաթղթի պատճենը:

Աճուրդի մասնակցության վճարը եւ նախավճարը վճարվում են կանխիկ կամ փոխանցումով Գառնիկ Կիրակոսյանի սնանկության հաշվին՝ «Հայբիզնեսբանկ»

ՓԲԸ-ի «Նոր Արեշ» մասնաճյուղ՝ 1150021127007018 հաշվեհամարին, մինչեւ հայտ ներկայացնելու պահը:

Աճուրդին մասնակցել ցանկացողները սույն հայտարարությունից հետո՝ ընդհուպ մինչեւ աճուրդին նախորդող օրվա ժամը 16:00-ն, կարող են հայտ ներկայացնել ՀՀ Սնանկության դատարան /ք.Երեւան, Օտյան 53/2/:

Աճուրդն անցկացվում է դասական եղանակով, հաղթող է համարվում առավել բարձր գին առաջարկած մասնակիցը:

Ցանկացողները կարող են լոտն ուսումնասիրել, ինչպես նաեւ աճուրդի կանոնակարգին ծանոթանալ՝ դիմելով կառավարիչ Ա. Էլոյանին / 094 411 487 /:

«Օղովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԴՊՐՈՑԱԿԱՆ ԾՐԱԳԻՐ

ՀԱՆՐԱՊԵՏՈՒԹՅԱՆ ՉԻՆ ՏԻԵՋԵՐԱԳՆԱՑՆԵՐԻ ՀԵՏ

Հայաստանի մի խումբ դորոցակա- ներ ապրիլի 20-ին հնարավորություն ունեցան առցանց հանդիպել «Շենչ- ժու-15» անձնակազմի ներկայացու- ցիչներին և սվյալ դասին սիեզերա- նավում զսնվող շին սիեզերագնե- րին՝ ծանոթանալով նրանց առջյա կյանքին: Հանդիպմանը մասնակցե- ցին երեք դորոցի 8-10-րդ դասարանի աշակերտներ:



ՀՀ-ում Հինաստանի Ժողովրդական Հանրապետության դեսպան Ֆան Յոնգը Նշեց՝ Հայաստանում առաջին անգամ են նման միջոցառում կազմակերպում: Նրա համոզմամբ՝ սա շատ լավ առիթ է հայ երիտասարդներին տիեզերական ոլոր- տում Հինաստանի ունեցած ձեռքբերում- ներին ծանոթացնելու և գիտելիքներ փո- խանցելու համար:

«Քանի որ Հայաստանը և Հինաստանը շատ լավ գործընկերներ են ընկերներ են, մենք փորձում ենք Հայաստանի հետ կիս- վել մեր երկրի զարգացման փորձով: Կարծում եմ սա շատ լավ առիթ է հայ երիտասարդների մոտ տիեզերագնացու- թյան ոլորտում հետաքրքրություն առա- ջացնելու համար, ինչը ապագայում կզարգացնի երկիրը: Հինաստանի զար- ցացման ճանապարհին տիեզերագիտու- թյան ոլորտի զարգացումը մեծ դեր է խաղացել», - ընդգծեց դեսպանը:

Նմանօրինակ հանդիպումները կնպաս- տեն հայ-չինական հարաբերությունների զարգացմանը՝ համոզված է Հինաստանի դեսպանը:

«Կարծում եմ այս ոլորտի գիտելիքնե- րը Հայաստանի համար շատ կարևոր են, քանի որ Հայաստանը նույնպես տիեզերք է արձակել արհեստական արբանյակ: Ես շատ ուրախ կլինեմ, որ այսօր հայ երի- տասարդները տեսնեն տիեզերագնացնե- րի կյանքը տիեզերանավում. կարծում եմ շատ հետաքրքիր կլինի», - եզրափակեց Ֆան Յոնգը:

ՀՀ ԿԳՄՍ նախարարի տեղակալ Ար- թուր Մարտիրոսյանը, կարելուելով երե- խաների մասնակցությունը նմանատիպ երկխոսությանը, ասաց, որ միջոցառումը հայ-չինական բարեկամության Նշան է: «Այս երկխոսությանը մասնակցում է շուրջ 60 երեխա: Ես համոզված եմ, որ իրենց համար սա մասնագիտական կողմնորոշման շատ լավ առիթ կլինի: Սա հնարավորություն կտա երեխաներին զարգացնել իրենց մտահորիզոնը», - Նշեց Մարտիրոսյանը: Առցանց հանդիպ- մանը տեսակապով միացել էին Շանհայի համագործակցության կազմակերպու- թյան 14 երկրի դպրոցականներ:

ՊԱՏՄՈՒԹՅՈՒՆ

ՀԱՅԿԱԿԱՆ ՎԵՑ ԳԻՆԻ ՄԵՒԱԼՆԵՐ ԵՆ ՄՏԱՑԵԼ

Հայկական վեց գինիներ մեղալներ են ստացել Լոս Անջելեսում կայացած Գի- նու միջազգային մրցույթում. այս մա- սին հայտնում է Հայաստանից նրբահամ գինիներ ներկրող Storica Wines-ը: Ար- ծաքն մեղալներ են ընդգրկել Voskevaz Karasi Collection Voskehat, Shofer Voskevhat, Shofer Areni և Van Ardi Red Blend գինիներին: Ոսկե մեդալ է ստացել «Ոսկեվազ Արե- մին», իսկ դասի լավագույն մրցանակն ու 94 միավոր՝ Keush Cuvre Couchanne Brut Sparkling Rose-ը:



Գինիները պատրաստվում են Հայաս- տանի հնագույն տեղական խաղողի սոր- տերից, որոնցից երկուսն են ամենահայտ- նին՝ Ոսկեհատն ու Արենին: Ոսկեհատը բուրավետ սպիտակ խաղող է՝ մրգային նո- տաներով, հավասարակշռված թթվայնու- թյամբ և թարմացնող հանքային նոտանե- րով, որը նման է Սեմիյոնին և Շարդոնե- ին: Արենին նման է Գամեին, որն առա- ջարկում է վառ մրգային նոտաների խառ- նուրդ՝ չափավոր թթվայնությամբ:

«Մենք գոհ ենք այս տարվա Լոս Անջելե- սի գինիների միջազգային մրցույթում մեր գինիների գրանցած արդյունքներից, հատկապես մեր նոր պորտֆոլիոյի որոշ արտադրանքներից, ինչպիսիք են Keush Sparking Rose և Shofer կարմիր ու սպի- տակ գինիները: Սա հայաստանյան գինի- ների որակի և մեկ ապացույց է, և մենք հուսով ենք, որ Լոս Անջելեսի համայնքը կընդունի այս գինիները և այս տարի կգա տոնավաճառ՝ համտեսելու վարդագույ- նը», - ասել է Storica Wines-ի համահիմնա- դիր և նախագահ Զակ Արմենը: Keush

Cuvre Couchanne Rose-ն Արենի խաղողից պատրաստված փրփրուն գինի է, որը ստացվել է Հայաստանի հաջիկ գյուղի արտադրողներից: Գինին հնեցվում է առն- վազն 22 ամիս, այն ունի կարմիր մրգերի և թխվածքաբլիթի նոտաներ՝ կծու թթվա- նությամբ ու ուժեղ հանքային նոտաներով:

Լոս Անջելեսում անցավ հայտնաբերված գինու մրցույթի արդյունքները: Մասնակցություն կայո- տեց անձինք կարող են սույն ծանուցման օր- վան հաջորդող օրվանից մինչև աճուրդի ա- վարտի նախորդող օրը, յուրաքանչյուր աշ- խատանքային օր, ժ. 10:00-ից մինչև 18:00-ն, այցելել վերը նշված հասցեով և ծանոթանալ լոտի հետ՝ այցելությունը նախապես համա- ձայնեցնելով Կազմակերպչի և Բորսայի հետ: Հարկային գործակալ հանդիսանալու դեպ- ջում աճուրդում հաղթած մասնակցի կողմից լոտի գնի վճարելու կարգը անհամախառն է վա- ճառողի հետ՝ փոխհամաձայնեցված ժամկետ- ներում: Սույն ծանուցումը կարող է փոփոխվել մամուլում հրապարակվելու միջոցով: Աճուրդ- ների անցկացման կանոնակարգին կարող էք ծանոթանալ և անվճար ստանալ կանոնա- կարգի պատճենը, դիմելով Կազմակերպչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունե- րի համար կարող էք զանգահարել (011) 56- 45-13 հեռախոսահամարով կամ այցելել www.ilcbst.am, www.borsa.am կայքերը:

ՀԱՅՏԱՐԱՐՈՒԹՅՈՒՆ (3)

ՀՈՒՊՈՐՏԱԿԱՑԻՆ ԾԱՆՈՒԹՈՒՄ
«Բի Ես Թի» ՍՊԸ-ն (այսուհետ՝ Կազմակեր- պիչ) «ԵՐԵՎԱՆԻ ԱՊՐԱՆՔԱՅԻՆ ԲՈՐ- ՍԱ» ՍՊԸ-ի հարթակում իրականացնելու է բաց աճուրդ համապատասխան փուլերով՝ «դասական» (գնի բարձրագույնը), այնու- հետեւ «հոլանդական» (գնի նվազեցմամբ) եղանակներով: Աճուրդի ընթացքում վաճառ- վելու է «Արդշինբանկ» ՓԲԸ-ին (այսուհետ՝ բանկ) գրավի իրավունքով պատկանող հետեյալ լոտը:

- Գեղարքունիքի մարզ, համայնք Մարտու- նի ք., Զ. Անդրանիկի փողոց, 7, 37 հասցե- ում գտնվող 76,1 ք.մ. մակերեսով բնակարան: Լոտի մեկնարկային գինը՝ 12200000 ՀՀ դրամ: Լոտի նկատմամբ սահմանափակումները՝ գույքը գրավարված է:

Աճուրդի փուլերը՝ ք. Երեւան, Սայաթ-Նովա պողոտա, 40 շենք, թիվ 82/31 հասցեում 08.05.2023թ.-ին, ժ. 12:00-ին դասական եղա- նակով, այնուհետեւ յուրաքանչյուր աշխա- տանքային օր, նույն վայրում, նույն ժամին՝ հո- լանդական եղանակով: Աճուրդի ավարտը՝ 08.06.2023թ.-ին: Աճուրդի մասնակցության նախավճարը սահմանված է համապատաս- խան գույքի ընթացիկ մեկնարկային գնի 1%- ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախավճարը վճարվում է «Բի Ես Թի» ՍՊԸ -ի դրամարկղում աճուրդի կա- յացման հասցեում, ՀՀ օրենսդրությամբ սահ- մանված կանխիկի շեմը չզերագանցելու դեպքում, կամ բանկային հաշվին («Արդշին- բանկ» ՓԲԸ-ում 2470103374150000 հաշվե- համարին) կամ կազմակերպչի կողմից տր- ված այլ հաշվեհամարին: Աճուրդին մասնակ- ցելու համար անհրաժեշտ է ներկայացնել՝ ֆիզիկական անձանց համար անձը հաստա- տող փաստաթուղթ և Կազմակերպչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաեւ նախավճարի մուծման փաստը, իսկ իրավաբանական անձանց համար՝ կանոնադ- րությունը, իրավաբանական անձանց պետա- կան գրանցման վկայականը, պաշտոնատար անձի կամ ներկայացուցչի լիազորություննե- րը հաստատող փաստաթուղթ և աճուրդի վկայական:

Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակիցը, աճուրդավարի մուրճիկի երրորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախավճարը վերադարձվում է աճուրդի ավարտվելուց հե- տո մեկ աշխատանքային օրվա ընթացքում: Նախավճարը ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը հրա- ժարվում է ստորագրել արձանագրությունը կամ առուվաճառքի պայմանագիրը, ապա նա կորցնում է իր մուծած նախավճարը: Եթե Կազմակերպիչը հրաժարվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերա- դարձնել նախավճարը:

Նախքան աճուրդի ավարտն աճուրդային լոտի նկատմամբ բանկի գրավի կամ սեփա- կանության իրավունքի դադարման հետեւան- քով աճուրդի մասնակիցների կորուստների և վնասների համար բանկը որեւէ պատասխա- նատվություն չի կրում:

Լոտն ուսումնասիրելու ցանկություն հայտ- նած անձինք կարող են սույն ծանուցման օր- վան հաջորդող օրվանից մինչև աճուրդի ա- վարտի նախորդող օրը, յուրաքանչյուր աշ- խատանքային օր, ժ. 10:00-ից մինչև 18:00-ն, այցելել վերը նշված հասցեով և ծանոթանալ լոտի հետ՝ այցելությունը նախապես համա- ձայնեցնելով Կազմակերպչի և Բորսայի հետ: Հարկային գործակալ հանդիսանալու դեպ- ջում աճուրդում հաղթած մասնակցի կողմից լոտի գնի վճարելու կարգը անհամախառն է վա- ճառողի հետ՝ փոխհամաձայնեցված ժամկետ- ներում: Սույն ծանուցումը կարող է փոփոխվել մամուլում հրապարակվելու միջոցով: Աճուրդ- ների անցկացման կանոնակարգին կարող էք ծանոթանալ և անվճար ստանալ կանոնա- կարգի պատճենը, դիմելով Կազմակերպչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունե- րի համար կարող էք զանգահարել (011) 56- 45-13 հեռախոսահամարով կամ այցելել www.ilcbst.am, www.borsa.am կայքերը:

● Ապրիլի 22-ին Երեւանի պատանի հանդիսատեսի թատրոնում տեղի կունենա «Մալեֆիսեն- տան» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 14:00-ին:



Էջը՝ ՌՈԶԱ ՊՈՂՈՍՅԱՆԻ

ԿԱՐԳ

ՀԱՐՑ. Խնդրում եմ ասել՝ ինչ փաստաթղթեր են անհրաժեշտ ՀՀ քաղաքացիներին՝ որդես որդեգրել ցանկացող անձ հաշվառվելու համար:
Յերմինե Օհանյան (43 տարեկան)



ՊԱՏԱՍԽԱՆ. Տեղեկացնում եմ, որ Հայաստանի Հանրապետությունում մշտապես բնակվող այն քաղաքացիները, որոնք ցանկանում են երեխա որդեգրել, դիմում են իրենց բնակության վայրի մարզպետարան (Երեւանի քաղաքապետարան)՝ ներկայացնելով՝


- 1) անձը հաստատող փաստաթուղթ,
- 2) բնակարանային պայմանների մասին տեղեկանք՝ տրված բնակության վայրից,
- 3) ընտանիքի կազմի մասին տեղեկանք՝ տրված բնակության վայրից,
- 4) զբաղեցրած պաշտոնի, աշխատավարձի եւ այլ եկամուտների մասին տեղեկանք,
- 5) անձի պատշաճ վարքագծի մասին անձնական երաշխավորություն՝ տրված կազմակերպության կամ առնվազն երեք անձանց կողմից,
- 6) բժշկական փաստաթուղթ՝ այն մասին, որ երեխա որդեգրել ցանկացող անձը հիվանդ չէ ՀՀ կառավարության 2005 թվականի մայիսի 5-ի N 517-Ն որոշմամբ հաստատված ցանկում ներառված հիվանդություններից որեւէ մեկով,
- 7) ամուսնության վկայականի պատճենը (եթե ամուսնացած է),
- 8) երեխայի՝ ամուսիններից մեկի կողմից որդեգրման դեպքում մյուս ամուսնու գրավոր համաձայնությունը՝ բացառությամբ այն դեպքերի, երբ ամուսինները դադարեցրել են ամուսնական հարաբերությունները, մեկ տարվանից ավելի համատեղ չեն ապրում, եւ մյուս ամուսնու բնակության վայրն անհայտ է,
- 9) տեղեկանք՝ որդեգրման պահին մարդու դեմ ուղղված կամ հասարակական կարգի եւ բարոյականության դեմ ուղղված ծանր կամ առանձնապես ծանր հանցագործության համար դատվածություն չունենալու մասին:

ՀՀ աշխատանքի եւ սոցիալական հարցերի նախարարություն

«ԺՈՂՎՈՒՐԳ». Եթե որդեգրել ցանկացող Հայաստանի Հանրապետության քաղաքացին ունի նախապես ընտրած որդեգրման ենթակա երեխա, որի կապակցությամբ առկա է ծնողների /ծնողի/ գրավոր համաձայնությունը, ապա նա դրա մասին նշում է իր դիմումի մեջ:

ԿՐԹԱԿԱՆ

ՀԱՐՑ. Խնդրում եմ ասել՝ որ դեղում կարող է 1-ին կուրսի առաջին կիսամյակում սովորողն օգտվել ուսման վարձի զեղչից:
Դոնարա Ֆեռյան (38 տարեկան)




ՊԱՏԱՍԽԱՆ. Դ. Ֆեռյանի հարցին ի պատասխան՝ հայտնում եմ, որ բարձրագույն ուսումնական հաստատություններ ընդունված եւ ընտանիքների անապահովության սահմանային միավորից բարձր միավորներ ունեցող 1-ին կուրսի ուսանողներին, ըստ սահմանված չափերի, համապատասխան փաստաթղթերի առկայության դեպքում տրամադրվում է պետության կողմից ուսանողական նպաստի ձեռով ուսման վճարի մասնակի փոխհատուցում: Բակալավրի եւ ինտեգրացված կրթական ծրագրով սովորողների համար հաշվի են առնում ընդունելության քննություններից ստացած գումարային գնահատականը, իսկ մագիստրատուրայի ուսանողների համար՝ բակալավրի կրթական ծրագրի միջին որակական գնահատականը /ՄՈԳ/:

ՀՀ կրթության, գիտության, մշակույթի եւ սպորտի նախարարություն

«ԺՈՂՎՈՒՐԳ». Դիմորդներն ընդունելության դիմում-հայտում իրենց ընտրությամբ եւ ցանկացած հաջորդականությամբ հայտագրում են մասնագիտությունները՝ ըստ ուսուցման անվճար եւ վճարովի համակարգերի:

ԼՈՒՐ ԿԱԴՐ

Լուսանկարը՝ համացանցից



Արսեն Հարությունյանը՝ Եվրոպայի եռակի չեմպիոն: Ազատ ոճի ըմբշամարտի Եվրոպայի առաջնության 61 կգ քաշային կարգում Աշխարհի առաջնության բրոնզե մեդալակիրը 5-2 հաշվով հաղթել է մրցակցին եւ նվաճել ոսկե մեդալ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
 Բաժանորդագրվելու
 համար կարող եք դիմել



«Հայմամուկ» ՓԲԸ
 հեռ. 45-82-00, 45-19-11

«Հայփոստ» ՊՓԲԸ
 հեռ. 51-45-46, 51-45-47

«Բլից-Մեդիա» ՍՊԸ
 հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
 Ազգանուն՝ _____
 Առաքման հասցե՝ _____
 Բջջային եւ/կամ քաղաքային հեռախոս՝ _____

Հեռ.՝ (060) 490049
 0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+ 3 + 7 +10 + 14	Արարատ	+10 + 13 +19 + 21
Կոտայքի լեռներ	+ 4 + 6 +10 + 13	Արմավիր	+10 + 13 +18 + 20
Կոտայքի նախալեռներ	+ 8 + 10 +14 + 16	Վայոց ձորի լեռներ	+ 4 + 6 + 8 + 10
Գեղարքունիք	+ 3 + 7 +10 + 13	Վայոց ձորի նախալեռներ	+10 + 13 +23 + 26
Լոռի	+ 6 + 9 +14 + 18	Սյունիքի հովիտներ	+10 + 13 +16 + 19
Տավուշ	+ 8 + 12 +15 + 18	Սյունիքի նախալեռներ	+ 5 + 10 +19 + 24
Արագածոտնի լեռներ	+ 4 + 6 + 9 + 12	Արցախ	+ 6 + 10 +12 + 15
Արագածոտնի նախալեռներ	+ 7 + 11 +14 + 18	Երեւան	+10 + 12 +17 + 19

Լրատվական գործունեություն իրականացնող՝
 «Ժողովուրդ թերթի խմբագրություն» ՍՊԸ
 Հասցեն՝ ք. Երեւան, Աբովյան 22^ա/3, հեռ՝ 010 54-64-23
 Պետական գրանցման վկայականի համարը՝ 03Ա089086
 տրված է 24.11.2010
 Ստորագրված է տպագրության 20.04.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
 խմբագրություն հանձնված նյութերը չեն գրայնաչափում եւ
 չեն վերադարձվում, Գ նշանով նյութերը գովազդային
 հրապարակումներ են, որոնց համար խմբագրությունը
 պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս
 կամ ընթացիկ մեջբերումներ անելիս պետք է պարտադիր գրառել
 հետևյալ նախադասությունը. «Շարունակությունը կարող էք
 կարդալ «Ժողովուրդ» օրաթերթի այսօրվա համարում»: